

PATRIE DAL FRIUL

SPUEJ SETEMANAL INDEPENDENT

DIREZION E AMINISTRAZ. - UDIN - BORC DI PRAMPAR, 10

Abonament: par an 450 fr.; par sis mês 230

Un Messie ch'a nol ven

Atôr atôr dal Mediterani 'e an vîvut e ancjemò 'e vivin popuj di diviersis razzis e di diviersis temperamenz, ma che in tunc cjôse al mancual 'e vadin duc' dacordo: tai spietâ simpri la vigande dal Messie. 'O clamis cussî, tant par intindisi o seque jentrâ tes quistions teologjichis dal Messianismo ebraic, une forme speciâl di inerzie, di pasivîtât e di rinunzio che sta puar tant la zivilîtât da l'Europe meridionâl viars la sô muart. I popuj mediteranis — e i talians piês di duc' — 'e spietâ simpri la salvezze, la prosperitât, la grandeze da qualchi omp straordenari che ur 'o regâl, ch'al fasi meracuj di fuarze, di gjenialitât e di valôr pe lôr biele muse ch'al si cjapi su lis sôs spalîs dutis lis lôr rognis, lis lôr colpis, i lôr tuarz, i lôr sbalgjos e ch'al scuviarzi un bon rimedi par duc' i lôr maj.

Ma par ce bande che si podarà saltâ fûr e 'o stin cui braz la crôs a spietâ che nus piovî la mane dal cil. Cui a speranze tal sô partit, cui tai aleaz, cui te repubbliche, cui te monarchie, cui te Constituent, cui tal ex-sindic La Guardia, e duc' in qualchi Sant'Antoni che nus cumbinai une rinassite biele e finide cun duc' i accessori, e nus 'e consegnî sore grazie, par ch'ô podin gjoldile senze piardi timp a fabricale.

Nol è pan: ce fasle ch'ê U. N. R. R. A.?

Nol è lavôr: sbujelâ i siôrs!

Il mercjât neri e blanc nus gjave fin l'ultimo goto di sans: colpe da prefet e dal sindle.

I laris e i sassins 'o lavôrîn a man salde di e gnot: bogns di cuje i carabinieri.

Lis cjasis sdramadis 'e restin parziare: butâ jù il guviâr.

Insumis la colpa 'e jê dute di Sant'Antoni o di San Genaro che no uelî metisi a stracjâ dal cil une

sglavinade di rimedis portentôs.

Prime da l'Italie si justaran lis cuestis l'Olande, il Belgjo, l'Austria, e — s'ai ocôr — ancje la Gjermanie, cun dut che je ridote in chel stât che je ridôte: parcé che là 'e jo int che no spiete il Messie, che si è biezâ metode a lavorâ sul serio, ognidun par so cont, tal so pizzul, cui siej mlez e a so riscjo e pericol, senze val il muart, senze piardi timp a lamentâsi e a protestâ, senze la pretese ridicule di cui sa co jutori des altris nazions, ch'ê an dutis — chês che an piardût e chês che an vîzût — un biel gram di rognis di gratâ in cjase lôr e che no saran mai tant indaur di provodi primo ai interês di ch'ê altris e dopo ai propriis. Par insumiâsi di ch'estis robis, par reclamâ ch'estis generositât, bisugne propri jessi mediteranis!

E cheste volte si scugae ricognossi che noitris furlans, in buine part, 'o si vin lassade cjapâ la volte, tes iniziativis, te sgrîmie, tal izgâsi, da tanc' e tanc' fores-c' che in jase nestre si messêdin, si distrighin, 'e sabôrîn e si regjôn lis cuestis a nestrîs spesis. E nô faslu cumizis, dimostrazions e fiestis di bal!

Un sintomo: S. Vitôr in rivolve

Za un an 'e je scomenzade, tal Nort, la gestion de vite publice de bande dai C.L.N. 'E jere une mignestre politiche, nassude e cresude a la miej cu sei, in moment particularmenti intrigôs, senze altre unitât fûr dal compit paramilitâr di sustignî la risistenze armade e cjapâ la direzion de vite zivil al moment dal ribalton: un expedient necessari, un miez unic in chel moment. Ma a capo di ch'est moviment 'e varessin vût di jessi partigjans, parcé che su di lôr e cun lôr si veve podût puartâ a cjâf la uere zivil e neutralizâ i vanzums dal nazifasismo, che dal rest al jere militarmenti e politicamenti za condatât a lâ in gram, cu lis vitoris dai aleaz. Ma si vîd che in chel ambient il bernocul da l'art di governâ nol veve cjapât pit... Tant al è ver che quan'che il partigjan Parri al cjapâ la Presidenze dai Ministros, nol tivâ adore di realizâ neje di gnâf, di pusât. Il guviâr antecedent di Bonomi, l'industrial burocrazie, il distac tra il Nort e il Sud, lis interferenzis dai vincidors pes lôr necessitât politichis e militars e plui di dut la mancjanze di un programa clâr e di personis energjichis e siguris 'e forin lis causis di une tombule complete pal gnâf president. La cjazze dai partiz es jervis di comant, la mancjanze di misuris rapidis e justis pa l'aplicazion des sanzions politichis necessaris par dimostrâ a un popul vîndût e disonorât che si voleve fâ no il svindic, ma la justizie, 'e creârin tes massis une impression disastrose. Lis vecjs crichis, i parlamentars ante-fassio, responsabij indiretamenti, ma simpri responsabij dal nassi e dal madressi de ditature, 'e tornarin un'altre volte, sot di une forme o di ch'ê altre, 'es lôr vecjs posizionis. La imission di iot « pure » e zovine 'e fo une vore limitade. Sbalgjos di tatiche dai Partiz, diffidenze di un cuntri l'altri, coruzion in alt e in bas, violenzis arbitraris e il fantâsi di une litalie fate in premure e malamenti

ministrade 'e an peiorade di mês in mês la politiche interne: Di ch'ê estare, al è miôr no discori: tant, par chel che si pô fâ... Lis illusionis di chej che speravin di jessi de bande dai vitorîs si son disfredadis un pòc a la volte ançe par opare di une stampe irresponsabil che prometteve uè ce che scugnive dinea domâ.

E intant 'o sin rivâz a ch'est risultât: i C.L.N. 'e son diventâz ce che son diventâz e no si sa ce che stan a fâ; il guviâr al è ridot a ricognossi tai siej organos une anime che no j permet di tignî in discipline nancje chej taj ch'al a rivât adore di meti sot clostri.

E la rivolve di San Vitôr no je ch'ê un sintomo, un segno fra i tanc' che si puecin osservâ in cheste litalie senze páz e chel ch'al è piês, senze trope speranze tal doman.

Moment brut

Lis tratativis par stabilî lis cundizions de pàs cu l'Italie, dopo tantis slungjs che an vudis, 'e varessin di vigni ripiadis ch'esti mês cu ven. I talians 'e brâmin di finîle cun cheste situazion di armistizi, che dure da doi agns e miez in ca, e che scjafoe ogni pussibilitât di riprese. Ma a di la veretât, se prime di cumò i vincidors no son rivâz adore di cjatâ il cjavêz par intindisi, in ch'est moment si po crodi che stentaran ancjemò di plui e se lu cjâtin al sarâ dal sigûr a spesis da l'Italie.

Intant cullî si trate di une pàs imponude e no tratade, cun tun Stât ch'al à piardût, al à judât a vinzi, al à combatût di une bande, al à combatût di ch'ê altre, al à combatût di bessol e in compagne, e in conclusion non si sa di ce ch'al à fat: il guviâr talian al podarâ, al plui, presentâ lis sôs demandis dopo che i aleaz 'e varan biezâ risoltis lis quistions dai cunfins, des colônîs, des riparazions. Si po nome crodi se, par contentânus, 'e tornaran a ingredê la fazzende quan'che a fuarze di viûs 'e saran rivâz adore di disgredeâle!

E po ch'est moment al è poc a nestrî favor, par vie che la lote 'e je invelegnate plui di simpri e fajilmenti 'e saran pòc ben disponsûs duc' quan' i aleaz a vigninus incuntri. Il moment de politiche mondial al oblee ogni stât a une tatiche di demandis, di pretesis, territorials, economicichis politichis e naturalmetri tra il tire e mole, sarân i plui debui, i plui isolâz i mancual sustignûs che farân lis spesis te division finâl.

La nestre posizion geografiche, 'o sperin che podi iudanus a mantegnî un equilibri e che la justizie 'e sepi direzi i apitis masse esagerâs.

Parceche, i popui o prime o dopo, qualchi sodisfazion 'e scugnin vele e 'o sperin che il nestrî Friul nol vedi di pati altri, parceche senze colpe, al 'a pati za a vonde.

L'esempli de Grece

Za tre setemanis in Grece 'e son stadia fatis lis elezions politichis, in chês cundizions che duc' 'e san e cu l'astension di una buine part des fuarzis populârs de nazion. Ch'estis elezions né che an sclari de la situazion, né che an cujetadis lis râbiis de int.

Il guviâr di Sofolis, sburtât da l'Inghiltere al à olût provâ n fâlis a ogni cost; l'E.A.M., organizazion comuniste sustignude de Russie, cu la scuse che i registros elettoraj 'e jerin stâz falsificâz cul meti drenti i nons di 700.000 marz, 'e à ordenade l'astension gjenerâl ai siej seguâz.

Al è difizil crodi che, su doi milioni di eletors, si puedi fâ une trufe di 700.000 nons, sot i voj di plui di mil osservators fores-c'; ma intant il tir de l'E.A.M. al vût il so effet: il risultât di ch'estis elezions al è di chej che no uelîn di nuje e non comêdin nuje. Nol zove ai monarchics, parcé che il Parlament vignût fûr, al 'è un Parlament fais, indulâ che une fuarte parcentuai dei zitadins no je rapresentande; nol zove ai comunis-c' parcé che al fas perdurâ il stât di agitazion tra il popul e cu l'agitazion 'e devente necessarie la permanenze des fuarzis inglêsis in Grece: e chês 'e restin là apueste per tignîju in cuzzo lôr. E cussî... tan'che prime e piês di prime.

Ma la colpa di cheste balfuerie, in fin dai faz, 'e je prime di dut dai grêcs, che dopo de liberazion 'e an mostrât di vè tal cjâf plui i lôr partiz che no il lôr pais. Nancje dopo de disastrose uere zivil dal dezembar 1944, no an olût gambiâ registro e fra lis dôs curinz estremistichis che dividin il popul, nol è stât mai creat nissun rapuert fûr che chel de violenze.

I guviars moderâz tignûz aù dal arivescul Damascinos, no son stâz par nuje ditatoriâj, né che an fat nuje di antidemocratic cuntri di nissun; ma no an savût frenâ la violenze privude, massime tes provinzis di furvie, indulâ che i comunis-c' al pâr che lis vebin cjapadis, no par vè respitade la legalitât e par jessi stâz plui galantoms, ma percò che la uere zivil ju veve, pal moment, indebulz. Guviâr impotent, partiz virulenz, popul incussient: situazion, simpri plui nere, votuzions inutilis, pàs lontane, rinassite di là di vignî...

Al è inutil visâ che l'Italie 'e je malade, in forme plui benigne, di ch'ê stesse malatie!

Il referendum sul cont da l'Autonomie

'O rinovin l'invit ai nestrîs letors furlans — e no altris — di fânus cognossi il lôr pinsîr sul cont de Costituzion Autonomistiche de Patrie dal Friul, rispuidint suparjù a chistis demandis:

- 1) Quai varessino di jessi i cunfins geografics de Patrie dal Friul?
- 2) In ce rapuart di dipendenze varessin di jessi cu l'Italie? Varessin di jessi une autonomie nome amministrative, o federative, o cemût?
- 3) Cun ce miez si podaressial vignî a cognossi e fâ cognossi al Guviâr la volontât dal popul furlan su ch'est cont: cun tun referendum populâr, cun tun plebissit, o cu l'organizâ un Partit Autonomistic?

Cheî letors che intindin di rispuidi — se crodin in furlan, se no, pazienze: 'o capin ancje talian! — 'e son preâz di firmâ cul non, sorenon, e-tât, profession e, eventualmenti, partit. Chistis indicazions 'e son riservadis nome pe Direzion, che garantîs il secret. Chei che son contenz che il lôr pinsîr al sedi publicât integralmenti o in sunto, 'e puecin indicanus un fals-non (pseudonimo) e nô si siarvarin di chel. 'E reste viarte e libare la disjussion, in forme resonade e cortese.

